

75

gne fuerunt. Quis neget? Verum quis fasces solis & Viris prælatas contendat? Florente equidem Republica fasces municipalibus Magistratibus negatos recte observat Gothofr. ad l. 174. de Decurion. Cod. Theod., sed Duumviris lictores tantum cum bacillis permisso. Post Tiberii tempora, ut existimat Norisius citato Cap. 3. Dis. I. in Cen. Pis. fasces etiam ab eisdem usurpari cuperunt. Procedente tempore, aliis quoque Municipalibus Magistratibus prælati; Aedilibus nempe: docet idem Apulejus Miles. lib. I. Sed quid istud? Voti gaudeo, nam & lixas, & virgas, & habitum prorsus Magistrati congruentem in te video: Annonam curamus, ait, & Ædilem gerimus. At enim Aedilatus fuit alicubi summus. Municipiorum Magistratus Ciceron. teste lib. XIII. Fam. Ep. II. Constituendi Municipii causâ hoc anno Ædilem filium meum fieri volui & fratris filium, & M. Cæsum hominem mibi maxime necessarium [is enim Magistratus in nostro Municipio, nec ullus alius creari solet] Recte quidem Arpini, non item Hypatæ, ubi præter Ædilem alii quoque fuerunt Magistratus, qui lib. III. Miles. Apulejum tamquam homicidam missis lictoribus comprehenderunt. Præterea Aediles Ciceronis universam Municipii Arpinatis Rempublicam administrabant; an non ideo Tullius Bruto scribit, ut ex vestigalibus, quæ in Provinciâ Galliâ Arpinates habebant, pecunias Legati ab Arpinatis missi celeriter & expedite eo Proconsule exigenter? Verum Ædilis Apuleii ex iis Ædilibus fuit, qui in omnibus fere Coloniis, Municipiisque creabantur, ut Viarum, Ædiumque sacrarum curam haberent, sed præcipue annonæ: fuerunt enim rebus venalibus præpositi, cibariis præsertim, cupediisque quæ vendi in populum solebant, ut justo pretio venderentur, ut eruditus docuit G. Panciroll. de Magis. Munic. cap. XIX. quorum munus Pifauri ii nunc obeunt, quos Regolatori vulgo vocant. Et vero non solum ille se Annonam curare dilerte testatur: Annonam curamus, ait, & Ædilem gerimus, & si quid obsonare cupis, utique commodabimus: sed etiam ubi audivit pisciculos tanti Apulejo venditos fuisse, pro Ædilitatis imperio voce asperrima pescatorem increpavit, & novo sane coercendi modo, ut venditorem pœnâ afficeret, emptoris pisces nullo reddito pretio spargi, & pedibus conculcari jussit. Quum igitur Ædiles (\*) quoque fascibus usi sint, cui iisdem usos fuisse

K 2 Quin-

(\*) Præter Ædeles Seviris quoque Augustalibus concessos fasces docet Arbitr. in Satyr. & quod præcipue miratus sum, in postibus triclinii fasces erant cum securibus fixi, quorum

marc.